



Universiteti -University- Univerzitet  
Haxhi Zeka

|                                                                                                 |      |                                                     |            |
|-------------------------------------------------------------------------------------------------|------|-----------------------------------------------------|------------|
| REPUBLIKA E KOSOVËS<br>REPUBLIKA KOSOVA<br>MINISTRIA E ARSIMIT,<br>SHKENCËS<br>DHE TEKNOLOGJISË |      | UNIVERSITETI<br>UNIVERZITET<br>"HAXHI ZEKA"<br>PEJË |            |
| REKTORATI                                                                                       |      |                                                     |            |
| Nr. / Br. / No.                                                                                 | 2049 | Nr. i faq/ Br. str / Nj. pg                         | 3          |
| Data / Datum / Date:                                                                            |      | 20 / 08 / 2024                                      | Pejë / Peć |



Komuna e Rahovecit  
Opstina Rahovec  
Municipality of Rahovec

## MEMORANDUM BASHKËPUNIMI

### NDËRMJET:

Universitetit "Haxhi Zeka", me seli në Pejë, Rr. UÇK-së, p.n.

Dhe

Komunës së Rahovecit, Rr. Dëshmorët e Pashtrikut p.n. 21000, Rahovec, Kosovë

Në mbështetje të koncept-dokumentit për krijimin e Forumit Ekonomik Rajonal "Dukagjini", palët nënshkruese të këtij memorandumit, akordohen si në vijim:

### Hyrja

1. Palët njohin vlerën dhe rëndësinë e bashkëpunimit për zhvillimin ekonomik dhe akademik të rajonit të Dukagjinit dhe më gjerë në tërë territorin e Republikës së Kosovës.
2. Palët pajtohen për të ndërtuar dhe zhvilluar Forumin Ekonomik Rajonal "Dukagjini" (FERD), si një platformë të përbashkët për të promovuar dhe për të ndihmuar në zhvillimin ekonomik të rajonit.
3. Palët pajtohen që të gjitha objektivat, qëllimet, aktivitetet e forumit ekonomik rajonal Dukagjini, të parapara në koncept-dokumentin, do të zhvillohen dhe implementohen përmes Organizatës Joqeveritare të themeluar nga Universiteti "Haxhi Zeka" në Pejë me të njëjtin emër **"Forumi Ekonomik Rajonal 'Dukagjini' (FERD)"**

### Objektivat

1. Palët si objektiv themelor kanë promovimin, zhvillimin ekonomik, akademik dhe social të rajonit;
2. Palët synojnë të promovojnë bashkëpunimin mes Universitetit "Haxhi Zeka", Komunës së Rahovecit, dhe partnerëve të tjerë, nëpërmjet FERD-it, për të identifikuar dhe zhvilluar projekte, trajnime, programe dhe inovacione që kontribuojnë në rritjen ekonomike dhe akademike të rajonit;
3. Nxitja e dialogut ndërrajonal me qëllim promovimin e politikave ekonomike, vlerave sociale, politike dhe kulturore;
4. Bashkëpunimi rajonal në drejtim të koordinimit të projekteve investive me interes për rajonin e më gjerë;
5. Organizimi i forumit ekonomik, sociale, akademike, biznesore, politike me partneritet

|                                                                                    |      |                                                      |     |
|------------------------------------------------------------------------------------|------|------------------------------------------------------|-----|
| REPUBLIKA E KOSOVËS/REPUBLIKA KOSOVO/REPUBLIC OF KOSOVO                            |      | KOMUNA RAHOVEC/OPŠTINA ORAHOVAČ/MUNICIPALITY RAHOVEC |     |
| KABINETI I KRYETARIT TË KOMUNËS/CABINET PREDSEDIKA OPŠTINE/MUNICIPAL MAYOR CABINET |      |                                                      |     |
| Njësia Nr./Br./No 02(Kabineti i Kryetarit të Komunës)                              |      |                                                      |     |
| Nr./Br./No                                                                         | 4639 | Nr. i faq/Br.str/No.pg                               | 167 |
| Data/Datum/Date                                                                    |      | 20 / 8 / 24                                          |     |
| RAHOVEC / ORAHOVAČ                                                                 |      |                                                      |     |

- publiko-privat;
6. Ofrimi dhe avancimi i ideve novatore që çojnë në hartimin e projekteve investive, me synim përfshirjen dhe mobilizimin e kapitalit të diasporës dhe me gjerë;
  7. Inkurajimi dhe nxitja e investimeve të huaja direkte dhe përmirësimi i klimës për të bërë biznes në regionin e Dukagjinit dhe më gjerë;
  8. Aplikimin e përbashkët dhe hartimin e projekteve për zhvillim ekonomik të rajonit në organizata, institucione lokale, rajonale dhe ndërkombëtare.

### **Përmbajtja e bashkëpunimit**

1. Palët angazhohen të bashkëpunojnë në të gjitha aspektet që lidhen me organizimin e Forumit Ekonomik Rajonal “Dukagjini”;
2. Palët marrin përsipër të organizojnë takime periodike të Forumit Ekonomik Rajonal “Dukagjini”, të cilat do të përfshijnë prezantime, diskutime dhe aktivitete të ndryshme për të promovuar zhvillimin ekonomik të rajonit;
3. UHZ-ja, do të bashkëpunojë me Komunën e Rahovecit për identifikimin e nevojave për trajnimin dhe për të siguruar trajnime të përshtatshme për të arritur qëllimet dhe objektivat e FERD-it, për zhvillimin ekonomik të rajonit.
4. UHZ-ja, Komuna e Rahovecit dhe komunat e tjera, si dhe partnerët e tjerë, fillimisht do të ndajnë një fond për Forumin Ekonomik Rajonal “Dukagjini”, për trajnimin e stafit të FERD-it, stafin e UHZ-së dhe ekspertët e tjerë që angazhohen nga partnerët e këtij forumi lidhur me shkrimin, aplikimin në projekte të përbashkëta, që kanë për qëllim zhvillimin ekonomik, akademik të rajonit.
5. Palët angazhohen të bashkëpunojnë në hartimin e strategjive të përbashkëta, projekteve dhe programeve që kanë për qëllim investimet që përmirësojnë kualitetin e arsimit, inovacionin, trajnimin e stafit dhe rritjen e konkurrueshmërsë ekonomike të rajonit.

### **Organizimi i Forumit Ekonomik Rajonal “Dukagjini”**

1. Palët përcaktojnë se Forumi Ekonomik Rajonal “Dukagjini” do të organizohet së paku një herë në vit në një vendndodhje të përcaktuar nga palët;
2. Palët pajtohen se organizimi i parë i Forumit Ekonomik Rajonal “Dukagjini” do të bëhet nga UHZ-ja, duke siguruar infrastrukturën dhe burimet e nevojshme për zhvillimin e suksesshëm të takimit.
3. Palët angazhohen të mbajnë takime të rregullta në nivel teknik dhe koordinim për të përgatitur dhe monitoruar zhvillimin e Forumit Ekonomik Rajonal “Dukagjini”. Këto takime do të përfshijnë përfaqësues nga Universiteti “Haxhi Zeka” dhe Komuna e Rahovecit, komunat e tjera dhe partnerët e tjerë që janë pjesë e këtij forumi, për të diskutuar dhe koordinuar çështjet që lidhen me organizimin dhe përparimin e forumit.
4. Të gjitha komunat, bizneset dhe organizatat e tjera partnere të këtij forumi do të caktojnë nga një përfaqësues si pjesë e forumit, përfaqësuesit nga komunat do të emërohen nga kryetarët e komunave.
5. Organizata joqeveritare e themeluar nga Universiteti “Haxhi Zeka” në Pejë **“Forumi Ekonomik Rajonal “Dukagjini” (FERD)**, sipas koncept-dokumentit i cili është bazë për



- nënshkrimin e këtij memorandumi, do t'i implementojë të gjitha aktivitetet e përbashkëta të partnerëve, duke përfshirë edhe organizimin e takimeve të rregullta.
6. Palët shprehin gatishmërinë e tyre për të inkurajuar pjesëmarrjen e institucioneve akademike, sektorit privat, organizatave joqeveritare dhe autoriteteve vendore të rajonit në Forumin Ekonomik Rajonal "Dukagjini". Përmes kësaj, synohet të krijohet një rrjet i gjerë bashkëpunimi dhe shkëmbimi të idesë dhe të njohurive.
  7. UHZ-ja, do të ofrojë të gjithë infrastrukturën për Forumin Ekonomik Rajonal "Dukagjini", si objekte, zyra, stafin, që të implementohen të gjitha aktivitetet, projektet e përbashkëta për zhvillimin ekonomik rajonal.

### **Avancimi i Forumit Ekonomik Rajonal "Dukagjini"**

1. Palët shprehin përkushtimin e tyre për të ndjekur dhe monitoruar avancimin e Forumit Ekonomik Rajonal "Dukagjini", si dhe për të vlerësuar efektshmërinë dhe arritjet e tij në realizimin e objektivave të përcaktuara.
2. Palët kanë për qëllim të përcaktojnë ndikimin e forumit në zhvillimin ekonomik dhe akademik të rajonit, duke zhvilluar një mekanizëm të vlerësimit të rezultateve dhe efektit të realizuar.
3. Palët pajtohen të bëjnë një raport të rregullt të avancimit të Forumit Ekonomik Rajonal "Dukagjini", që do të përfshijë analizën e arritjeve, sfidat dhe rekomandimet për të përmirësuar funksionimin e tij në të ardhmen.

### **Zbatimi dhe ndryshimi i memorandumit**

1. Palët angazhohen të zbatojnë me përkushtim dispozitat e këtij memorandumi dhe të ndërmarrin të gjitha veprimet e nevojshme për të arritur objektivat e përcaktuara në koncept-dokumentin.
2. Ky memorandum përfaqëson marrëveshje midis Universitetit "Haxhi Zeka" dhe Komunës së Rahovecit, lidhur me bashkëpunimin dhe mbështetjen në organizimin dhe zhvillimin e Forumit Ekonomik Rajonal "Dukagjini".
3. Ky memorandum është i nënshkruar në dy kopje të njëjta, ku secila pale do të mbajë nga një kopje.
4. Memorandumi do të hyjë në fuqi pas nënshkrimit nga palët dhe do të zbatohet në përputhje me dispozitat dhe kushtet e saj dhe vazhdon të jetë në fuqi për një periudhë të caktuar prej 5 viteve.
5. Ndryshimet apo amendamentimet në këtë memorandum mund të bëhen nëpërmjet një marrëveshjeje të shkruar midis palëve, të cilat do të jenë të vlefshme vetëm pas nënshkrimit të tyre.

**Rahovec, 20.8.2024**



**Rektori i Universitetit "Haxhi Zeka"**  
**Armand Krasniqi**



**Kryetari i Komunës së Rahovecit**  
**Smajl Latifi**